



Andiswa Futbaal Star

- Eden Daniels
- Eden Daniels
- Georgette McGlashen
- 2
- Patwa jam



Andiswa did a wach di bwaai pikni dem plie futbaal. Shi wish shi kuda plie wid dem. Shi aks di kuoch ef shi kyan praktis wid dem.



Di kuoch kimbo. "A da skuul ya, onggl bwaai pikni wi mek plie futbaal," im se.



Di bwaai pikni dem tel ar fi go plie netbaal.
Dem se netbaal a fi di gyal pikni dem an
futbaal a fi di bwaai pikni dem. Andiswa did
bek.



Di neks die, di skuul did av wahn big futbaal mach. Di kuoch did a fret kaaz im bes plieya did sik an kudn plie.



Andiswa ron go tu di kuoche an a beg im fi mek shi plie. Di kuoche neva nuo we fi du. Den im mek op im main fi Andiswa kom pan di tiim.



A did wahn aad giem. Nobadi no skuor no
guol aal wen a aaf taim.



Ina di sekan aaf a di mach wan a di bwaai pikni paas di baal gi Andiswa. Shi ron faas-faas tuwaadz di guol. Shi kik di baal aad an skuor a guol.



Di kroud baal out loud-loud wid eksaitment.
Fram da die de, dem mek gyal pikni staat plie
futbaal a di skuul.



Global Storybooks

globalstorybooks.net

Andiswa Futbaal Star

✎ Eden Daniels
☞ Eden Daniels
➡ Georgette McGlashen

